

Peqqinnissaqarfiup iluani napparsimasut naammagittaalliuteqarnissamut taarsiivigineqarnissamullu periarfissaat pillugu Inatsisartut inatsisaannut siunnersuut.
(Peqqissutsimut Naalakkersuisoq)

Akissuteqaat

(Peqqissutsimut Naalakkersuisoq)

Aappassaaneerpeqarnera

Naalakkersuisut matumuuna Ilaqutariinnermut Peqqissutsimullu Ataatsimiititaliap siunnersuummut matumunnga isumaliutissiissutaanut suliarilluakkamut, aamma pilersinneqannginnerani suleqatigiilluarnermut qujassuteqarput.

Ilaqutariinnermut Peqqissutsimullu Ataatsimiititaliaq isumaliutissiissummini Naalakkersuisunut marlunnik kaammattuuteqarpoq, taakkulu soorunami Naalakkersuisut malinnissaannut ujartuissapput. Paasissutissiinnermut atortussat nutarternerannik suliap ingerlanerani susassaqtunut tamanut sapinngisamik paasiuminarsitissusamik Naalakkersuisut suliaqarniarput. Aammattaq Inatsisartut inatsisaat atulersinneqarpat tusagassiuutinut nalunaarummik allanillu atortussanik nassiussisoqassaaq.

Naalakkersuisut siunnersuummik matuminnga napparsimasut inatsisitigut pitsaanagerusumik inissimalernissaannik qulakkeerinninnissaq kissaatigigaat, kisianni aamma peqatigisaanik peqqinnissaqarfik suli isiginiartariaqartoq akuersaarlugu naggasiutigalugu oqaatigineqarpoq. Naalakkersuisut suliaqarfiup pitsanngorsarneqarneranut atatillugu aamma Meeqqat oqaaseqartartuata Kalaallit Nunaanni meeqqat peqqissutsimut tunngasunik katsorsarneqartarnerat pillugu nalunaarusiaa ilanngunniarpat. Innuttaasut naammagittaalliuteqarnissamut, peqqinnissaqarfimmik oqaloqateqarnissamut aamma taarsiivigineqarnissamut periarfissaat ajornannginnerulerat ilutigalugu, paasissutissat tassunga atatillugu takkuttut, peqqissutsimut tunngatillugu katsorsaanerit pitsaanerulernissaannut peqqinnissaqarfiup tunngavissaanut ilaassapput.

Naalakkersuisut taamatut oqaaseqarlutik siunnersuutip akuersissutigineqarnissaa siunertaralugu pingajussaaneerpeqarnissaa inassutigaaq.